



## Universitätsbibliothek Paderborn

**Ain schoene außlegu[n]g über das goetlich gebet. Vater  
vnser Das vnnß Gott selbs gelernet hat**

**Peringer, Diebold**

**[Augsburg], 1522**

**VD16 P 1394**

Textteil

**urn:nbn:de:hbz:466:1-32172**

**T**em so wir sprechen Vatter vnser / Bey  
dem sollen wir gedencken / vnd betrachten /  
Das er vnser aller vatter ist / vnd so er  
vnser vater ist / So sollen wir gedencken / dz  
wir in väterlich erkennen / als ain kind ain  
vatter vächterlich erkennen soll / vnd dar-  
nach in kindlicher trew vnd liebe loben / vnd so wir das  
thüen / Un gethon haben / So soll wir vns darnach er-  
freuen in jm / Das wir seyne kinder seyen / vnd darbey  
gedencken der ötern brüderschafft / Darnach vns got ver-  
samlet vn verordnet hat / Das wir alle brüder vn schwe-  
ster seind / darnach sollen wir gedencken . Das wir ain  
ander lieb haben / vnd so wir das selb thün / so sollen wir  
vns aber ain mal erfreuen in Got vnsern vatter / Das  
wir ain sollich kostparlichs vnschetlich / erbländ haben  
zu gewarten / von vnnserm lieben vater nach diser zeyt /  
vnd darnach sprech wir ( Der du bist in den hymeln )  
bey dem sollen wir gedencken / herz hymelischer vatter /  
wie hetten wir so ain weyten weg zu dir / wenn dein göt-  
liche gnad nit wär / ich bit dich aber / verleych mir dein  
gnad / das ich zu meinem erbreyl vnd vaterland müg  
kömen / Das ist zu der ewigen saligkeit . Darnach spre-  
chen wir ( Gehailget werd dein nam ) Bey dem sollen  
wir gedencken / Dein hailiger nam ist bisher nit vil bey  
mir gehayliget worden / Sonder meer unghayligt / vnd  
ungewirdiger / geschmecht vnd geschedet / durch mein  
leychtfertigkait / vnd boßhait / so ich deinen haylichen na-  
men / so offcleychtfertiklich / in meinen sündlichen mund  
genommen hab / mit flüchten / schelten vnd schwören / vnd  
darumb so bitt ich dich vmb dein gnad / das du mir das  
wöllest verzeyhen / Und mein herz wenden zu dem / Das  
hynfür dein heylicher nam durch mich gehayliget wird /

A ii

und durch all Christen menschen / vnd das sy anrücken  
deinen hayligen namen zu über kōmen. Alles das vns  
not ist / von deinem hymlichen vatter. Als du vns dann  
verhaissen hast im Euangelij / dan du sprachest / fürwar  
sag ich auch / was jr bitten mein hymliche vater in mei  
nen namen / das wirt er sich geben / darumb das dein  
hailiger nam gnuigsam gehailigt werd / durch die gang  
en welt / darnach so wir spreche ( Zu kom vns dein reich )  
Bey dem sollē wir gedencken / herz himlicher vater / Las  
mich nit zu lang in disem ellenden yamertall / Sonder  
das mir dem reych zu kom / dein göttliche weyshait bey  
vns won / dass sy mein seel berhaft mach inn tugenden /  
und das du mit deiner göttlichen liebe verschwendest al  
le ding die nicht deiner hayligkeit gebüren mügen / und  
beste etige an vns dein lieb / das wir jr nymer meer  
beraubt werden / Und der grund bey vns beleyb / so  
kumpt vns dein reych / darnach so wir sprechen ( Dein  
will geschech jm hymel vnnnd auff erd ) Bey dem sollen  
wir gedencken / herz himlicher vater mein will sol niches  
sein / wan mein gewissen waist / nymer nit was gut ist /  
du waist aber zu aller zeyt / was das aller böst ist. Dar  
umb will ich mein willen gleychförmig machen / deinem  
göttlichen willen / dein götlicher will werdt zu aller zeyt  
an mir volbracht / darnach sollen wir sprechen ( Herr gib  
vns heut Unser tägliche brot ) Bey dem sollen wir geden  
cken / herz hymlicher vatter / Ich bit dich mit allein umb  
das zeytlich oder leyplich täglich brot . Wann du hast  
gesprochen jm Ewangelio / Jr sollt nit sorgfältig seyn /  
Herr geben die seel / die meer ist dann der leyb / oder es  
sen vnnnd trinckenn . Fürwar er wirt auch das mynder  
auch geben . wan er waist / das jr sein notürftig seynd /

Herr hymnischer vatter / so du dann waist / das ich das  
selb nochtürftig bin / vnd wilt mir das selb geben / so will  
ich dich vmb das selb mit allein bitten / sinder ich wile be-  
selhen deinem göttlichen willen. Herr hymnischer vater /  
Ich bit dich aber vmb das gaystlich täglich brot / Das  
du vns hast angezaygt im Euangely / do du sprachest /  
Der mensch lebt mit allein das natürlichen brots / Sun-  
der ains yeglichen worts / Das da geet auß dem mund  
gots. Herr hymnischer vater / so ich dan hör das mein ar-  
me seelder selben wort müß geleben / vnd von dem sel-  
ben wort gespeyst müß werden. So bitt ich dich hymnisch  
er vatter verleych vns priester / vnd prediger / die deyn  
göttliches wort aussprechen / nach deinem göttlichen wil-  
len / vnd wolgesallen / vnd nach dem hagyl vnserer seel /  
Das es in vns wachs / vnd hinderteltig frucht bringt /  
vnd das wir die selben mügen behalten / vnd vnser lez-  
ben richten nach deinem göttlichen willen vnd wolgefäl-  
len. Und das wir dardurch vmb dich bekomen / ein sich-  
ern vnd säligen eingang zu dir in das ewig reych der  
hymel / darzu soll wir spreche. Vergib vns vnser schuld  
als wir vergeben vnsern schuldigern) Bey dem sollen  
wir gedencken. Herr hymnischer vatter verleych mir  
dein göttliche gnad / das ich meinem nächsten Christen  
menschen müg verzeyhen vñ vergeben / von grund mei-  
nes herzen / on alle betrieqlichkeit / oder bösem mitel mei-  
nes neidigen herzens / dz mir dan nit müglich ist züthun  
ondein hilff vnd gnad / wan du hast gespochen im Euā  
gelio. Ir sollent verzeyhen vnd vergeben / darmit das  
üch auch verzigen werd / so ich dan hör / das mir sunst  
anderst nit verzigen mag werde. Ich verzeych dan mein  
nem nechste auch / So bit ich dich herr hymnischer vater /  
Erlöß mein herz von dem schedlichen vnd verdampten

A ij

band des neyds / Das er mich nit beraub meines väts  
terlichen Erbteyl / sunnder das mir das selb zügefuegt  
werd / durch dein verheyffung / die du vns gethon hast /  
So wir vnsfern veinden verzeyhen / soll vns auch verzy-  
gen vnnid vergeben werden / Darnach so sprechen wir.  
(Lit für vns in kain versichung ) Bey dem sollen  
wir gedencken/ heri hymlicher vatter / Es leydt nit dar  
an / ob wir schon versucht werden / wann du bist selbert  
auch versucht worden. Aber für vns nur nit ein in kain  
versichung / Die vns schedlich vñ verdamlisch sein mug  
vnsrer seel / sonder das sy vns verdienstlich sey / vnnid werd  
zu dem ewigen leben / darnach so sprechen wir ( Sonder  
erlōß vns von allem übel ) Bey dem sollen wir gedenck-  
en/ heri hymlicher vatter / Erlōß mich von der ansech-  
tung des fleyschs / vnd des bösen gaysts / vñ der ansech-  
tung diser welt / Und auch von dem teuflischen vnd vns  
götlichen reyctumb / die meiner seel schedlich sein. Heri  
vnd widersacher / Das sy dan täglich mit mir sein strey-  
ten / vnd mich begeren zu berauben meines vaterlands.  
Ich bit dich heri hymlicher vater / hastu mich gesetze in  
veinden / vñ für mein armesel durch dein gelayd / Das  
ist durch dein gnad vnd barmherzigkeit zu den Ewi-  
gen freuden / dich ewiglich zu loben vnd eren / vnnid dir  
danck zusagen / mit sampt allen auferwöltten. Amen.